

Til:	ENGELSVOLL SKULE Linda Refvik, ORSTAD SKULE Tor Åge Risnes, KLEPP UNGDOMSSKULE Sigurd Ravndal, ORSTAD NATURBARNEHAGE Elin Solheim Pedersen, ENGELSVOLL BARNEHAGE Inger Ølberg Lode, STATSFORVALTAREN I ROGALAND, ESPIRA ORMADALEN BARNEHAGE, FAGFORBUNDET AVD. KLEPP 687, UTDANNINGSFORBUNDET KLEPP, Delta avd Klepp
Frå:	Sissel Jaktevig Johannessen ADMINISTRASJON
Gjeld:	Høyring: Orstad skule og moglege løysingar

Vår ref.
22/01065-7

Dato
12.06.2023

Klikk eller trykk her for å skrive inn tekst.

Til SU/driftsstyre ved Orstad skule, Orstad naturbarnehage, Ormadalen barnehage, Engelsvoll skule, Engelsvoll barnehage, Klepp ungdomsskule, aktuelle fagorganisasjonar og Statsforvaltaren i Rogaland

HØYRING

Orstad skule og moglege løysingar

Bakgrunn for saka

Klepp kommune gjorde slikt vedtak den 8. november 2021:

1. *Kommunestyret vedtek skulebruksplanen 2021 – 2032, og legg denne til grunn for Klepp kommune sin skulepolitikk.*
2. *Kommunedirektøren utarbeider ein rapport som vurderer bygget og moglege løysningar på Orstad skule. Kommunedirektøren vil deretter koma tilbake med ei sak om framtidig løysning for Orstad skule*

Sak om moglege løysingar var oppe som sak i Hovudutval for barn og unge 09.03.23 og 01.06.23. I møte 01.06.23 blei det vedtatt å sende alternativ 1, 3 og 5 på høyring. Etter høyringsrunde kjem saka opp til endeleg behandling for val av løysing.

Høyringsfrist: 30.september

Vedlegg:

- Skulebruksplan Klepp kommune 2021-2032
- Orstad skule og moglege løysingar. Sak Hovudutval barn og unge 01.06.23
- Svar frå Time kommune
- Kart som viser avstand Orstad- Frøyland ungdomsskule

Postadresse

E-post
e-post

Besøksadresse

Telefon
Telefon

Org.nr
Orgnr

Innleiing

I vurdering av dei ulike alternativa blir det viktig å vurdera kva skulestruktur ein ønskjer for elevane på Orstad for framtida. Er det ein 1-10 skule eller skal ein bygge ny skule for ungdomstrinnet?

Alternativ 1: Påbygg og rehabilitering/ombygging Orstad skule

Som det går fram av analysen, er det både stort behov for rehabilitering og tilbygg på Orstad skule. Samstundes treng både ungdomstrinnet og OLS utvidingar. Ungdomstrinnet treng 2 klasserom med grupperom og med garderobar og toalett. Det er også stor mangel på grupperom på skulen. Det manglar heile 10 grupperom i forhold til vanleg standard. Skulen har ikkje rom for skaparverkstad innan elektronikk og programmering og rom for arbeidslivsfag. I tillegg manglar 4 toalett, der eitt av desse bør ha HC-standard. Dei 50 tilsette har 1 dusj og 1 WC. Her trengs utvida personalgarderobe.

Om ein vel rehabilitering og ombygging av skulen med både barne- og ungdomssteg, må det vurderast om nåverande areal er tilstrekkeleg til å husa areala vist i førre avsnitt. Truleg vil det vera behov for noko tilbygging også for skuledelen.

For å spara utearealet, vil eit tilbygg i 2 etasjar vera den beste løysinga. Dette bør bli vurdert i samband med rehabilitering av skulen.

Ei anna mogleg løysinga er å la OLS utgjera tilbygget.

Arealet for OLS vil utgjera følgande:

2 klasserom a 50 m² og 12 grupperom med ulik storleik 250 m²

Lagerrom til utstyr og lagerrom til materiell 50 m²

Arbeidsplassar til 12 tilsette inkl rom for leiar og møterom 110 m²

3 HC-toalett, personalrom, garderobe og dusj 50 m²

Treningsrom med utstyr og sanserom 50 m²

Kjøkken og fellesareal 80 m²

Gangareal og garderobe elevane kjem i tillegg.

Kostnad for 700 m² tilbygg vil kosta om lag 31 mill. I tillegg kjem ombygging/rehabilitering av 3866 m² eksisterande bygg Orstad til om lag kr 25 000 pr m². Kostnaden for dette vil bli nær 100 mill.

Alternativ 3: Samarbeid med Time kommune: Orstad ungdomsskule som del av påbygd Frøyland ungdomsskule

Time kommune sitt svar er at dei har drøfta saka internt i administrativ leiing, saman med kommunedirektør. Ei formell handsaming av saka vil krevje ein meir omfattande involvering, både politisk og med føresette. Skulebruksplanen er kommunen sitt strategisk dokument knytt til skulestruktur i Time kommune. Denne skal reviderast i 2024.

Alternativ 3 inneber at det vil bli inngått ein vertskommuneavtale med Time kommune. Det vil seie at det er Time kommune som blir ansvarleg for opplæringstilbodet til elevane og får arbeidsgjevaransvar for dei tilsette.


Vedlagt er eit kart som viser avstand mellom Orstad og Frøyland ungdomsskule.

Alternativ 5: Bygge ny ungdomsskule på Engelsvoll, Engelsvåg ungdomsskule

Skulen vil bli bygd for 3 parallellear og vil bli ny ungdomsskule for elevar ved Orstad skule og Engelsvoll skule. Forslaget inneholder også ny idrettshall, noko som lenge har vore etterlyst frå innbyggjarane på Klepp stasjon. Idrettshallen kan også nyttast av elevar ved barneskulen på Engelsvoll.


Til sak i hovudutvalet 01.06.23 stod følgande under kommunedirektøren si vurdering: « Det vil vera positivt og framtidsretta å bygge ein større ungdomsskule med 3 parallellear, både for elevmiljøet og for rekruttering av tilsette. Samtidig som ein innfører ønske om idrettshall på Klepp Stasjon»

Arealet som ligg som bustad i kommuneplanen er privat eigm. Kommunen må kjøpa dersom det skal etablerast skule. Prosess med endring av formål må vurderast i kommunalplanprosess



Det ligg ikkje tilknytta nokon eksistereande eller planlagte boligområde eller offentlege/allmennytige instansar.

Avstand



Arealet er dyrka, og er i hovudsak registrert som svært god jordkvalitet (Kategoriane er svært god, god og mindre god). Det er registrert ein del kulturminne i området. Dette er busetting, aktivitetsområde, kokegroplokalitet, rydningsrøyslokalitet og gravminne.

Ny IVAR leidning blir bygd nord på tomta.

Kalkyle for ny ungdomsskule med 3 parallellear inkludert idrettshall er på ca.280 millionar